



CONCELLO DE CHANTADA

INFORME ECONÓMICO-FINANCIERO PARA O PROXECTO DO ORZAMENTO XERAL DO EXERCICIO 2022
Artigo 168.1.g) do Texto Refundido da Lei Reguladora das Facendas Locais

En cumprimento do disposto no artigo 168.1.g) do Real Decreto Legislativo 2/2004, do 5 de Marzo, Texto Refundido da Lei Reguladora das Facendas Locais, emítese este informe económico e financeiro sobre o proxecto de Orzamento Xeral de 2022.

O informe ten por obxecto, tal e como prevé a normativa citada, a exposición das bases utilizadas para a avaliación dos ingresos e das operacións de crédito previstas, a suficiencia dos créditos para atender o cumprimento das obrigas esixibles e os gastos de funcionamento dos servizos, e, en consecuencia, a efectiva nivelación do Orzamento.

Primeiro. - Bases utilizadas para a avaliación dos ingresos previstos no Orzamento Xeral 2022

Os ingresos que se preveron para o exercicio 2022 calcularonse tendo en conta os seguintes aspectos:

- O importe previsto para o próximo ano, como Participación das Entidades Locais nos Tributos Estatais de acordo co establecido na lexislación de facendas locais e o Fondo de Cooperación da Xunta de Galicia.
- Os datos que se reflicten na execución do Orzamento Xeral do exercicio 2021.
- Os incrementos ou diminución de tipos de gravame, tarifas e prezos públicos aprobados para o exercicio 2022, como a rebaixa do imposto sobre construción instalacións e obras (ICIO) e a actualizacións nas tarifas recollidas nas Ordenanzas Fiscais da auga e sumidoiros.
- Os compromisos firmes de achega doutras Entidades para financiar conxuntamente co Concello, Programas, actividades ou proxectos, como o Plan Único da Deputación de Lugo , o Fondo de Compensación ambiental .
- Por último, aínda que non sexa un método obxectivo, as estimacións derivadas do rendemento habitual do resto dos recursos que dependen de factores alleos a calquera avaliación.

Contempláñse no capítulo de ingresos a cantidade prevista de **6.737.632,00 €**.

Os impostos directos sobre bens inmobles, no que se refire a bens de natureza urbana importa 1.500.816,46 € sube un pouco respecto o 2021 debido ao maior padrón no 2021, no que se refire a natureza rústica 101.004,69 practicamente o mesmo e o de características especiais 204.849,37 o mesmo do ano anterior .

O imposto sobre vehículos de tracción mecánica importa 370.111,67 €, manyense igual con respecto ao ano anterior segundo padrón aprobado do 2021.

O imposto sobre actividades económicas que importa 345.000,00 €, estando

CONCELLO DE CHANTADA





CONCELLO DE CHANTADA

previsto o padrón municipal do IAE , a participación no de Peares ,así coma as cotas nacionais e provinciais do mesmo.

O rendemento do **imposto sobre o incremento do valor dos terreos de natureza urbana** que importa 139.714,37 € xa ingresados pola Deputación de Lugo .

O imposto sobre construcións, instalacións e obras que se cifra en 75.800,00€, menor ao do 2021 aínda que a recadación foi moi superior pero tense en conta a rebaixa no tipo impositivo do 3% ao 2,5 % e as posibles bonificación do 95 % e posterior devolución.

O Capítulo terceiro de taxas e outros ingresos que se cifra en 631.977,14 €, as estimacións teñen en conta a recadación do ano 2021 por diferentes taxas, un pouco superior ao orzamentado no 2021 principalmente polo aumento na recadación do prezo público do SAF por maior servizo de horas, aínda que reduce o ingreso polo prezo público da piscina.

A cantidade consignada en cada un dos distintos conceptos calcúlase principalmente tendo en conta o importe dos dereitos recoñecidos en cada un deles e deducidos da execución do orzamento do 2021.

No **capítulo carto de transferencias correntes** que importa 2.919.929,01 €, aumenta considerablemente a participación nos tributos do Estado e as transferencias da xunta de Galicia para dependencia . O resto basicamente se reflicten as axudas que se veñen percibindo de modo continuado e habitual durante todos os anos como son o Plan Concertado da Xunta de Galicia para Traballadores Sociais, axuda a promoción da igualdade a entidades locais(programa CIM) , programa de educación e apoio familiar , axente de emprego e desenvolvemento local AEDL e tamén da Diputación de Lugo para axuda no fogar , sen ter en conta outras que probablemente se reciban pero que se integrarán a través das correspondentes modificacións de crédito.

O Fondo de Cooperación da Xunta de Galicia mantense nos 387.242,40 €, a espera da liquidación definitiva do 2020.

Prevense uns **ingresos patrimoniais do capítulo quinto** de 9.900 € que suben respecto o ano 2021.

No **capítulo sete de transferencias de capital** que importa 438.529,29 € , se reflicte ao Fondo de Compensación Ambiental da Xunta por importe de 49.009,42 € , o AGADER para camiños municipais por importe de 63.404 € e o Plan Único da Deputación de Lugo para inversións por importe de 326.115,87 € .

No seu conxunto o proxecto de **Orzamento Xeral para 2022 aumenta en 161.876.26 € un 2,46 %** respecto a 2021.

Segundo. - Bases para o cálculo das operacións de crédito previstas no Orzamento.

Nas previsións do Orzamento Xeral deste exercicio non se prevé recorrer a operacións de empréstito ou crédito.

Terceiro. - Suficiencia dos créditos do Estado de Gastos para atender as obrigas.

CONCELLO DE CHANTADA

Plaza de España, Nº 1, Chantada. 27500 Lugo. Tfno. 982440011. Fax: 982462102 concello@concellodechantada.org



Cod. Validación: 7XSQAGTMHEWJSDKFNXPX5ZJ94Y | Corrección: <https://chantada.sedelectronica.es/>
Documento asinado electronicamente desde a plataforma xestiona esPublico | Páxina 2 a 4



CONCELLO DE CHANTADA

A cuantificación dos créditos orzamentarios realízase partindo das seguintes premisas:

- Contemplase unha subida do 2% das retribucións no sector público.
- Os compromisos adquiridos con terceiros mediante contratos, convenios, pactos ou acordos.
- Anualidades de proxectos de gasto de carácter plurianual vixentes.
- Créditos necesarios para dar cobertura orzamentaria aos novos proxectos de investimento que se pretenden iniciar no exercicio 2022.
- Créditos necesarios para o mantemento do gasto corrente que implican os servizos e áreas de gasto existentes no concello

A. Por razón de débedas esixibles.

No proxecto do Orzamento Xeral consígnanse cantidades que se consideran, en principio, suficientes para a atención das obrigas que ten asumidas esta Corporación e das que se ten coñecemento.

B. Por razón dos gastos de funcionamento dos servizos e outros gastos.

A consignación para os gastos do funcionamento dos servizos considérase en principio axeitada. Non obstante, deberase ter en conta o seguinte en relación co orzamento xeral para este exercicio:

- O capítulo 1º de gastos, que recolle os de persoal, tense orzamentado de acordo co cadro de persoal e coas retribucións que lles corresponde. Dótanse tamén os créditos necesarios, tanto en pago de retribucións como en custo da Seguridade Social do Concello, correspondentes ás prazas vacantes que non son amortizadas do cadro de persoal. Este capítulo e as súas previsións están debidamente fundamentados no anexo de persoal que acompaña ao presente Orzamento.
- O capítulo 2º recolle as dotacións para gastos correntes e servizos, e na súa estimación, tivéronse en conta os gastos realizados para as mesmas finalidades no exercicio 2022. Á súa vez tratouse de reducir outros créditos non imprescindibles para o normal desenvolvemento das funcións que corresponden a este Concello. En todo caso, inclúense os gastos correntes que se estiman necesarios para o funcionamento normal dos servizos mínimos e obrigatorios do concello, así como aqueles que ven desenvolvendo nos últimos anos.
- No capítulo 3º, recóllese os intereses para posibles sentenzas de persoal e do préstamo a longo prazo solicitado para a LMTS do polígono industrial.
- No capítulo 4º recóllense as transferencias correntes que se prevén realizar as cales modifícanse bastante en canto as subvención nominativas para actividades culturais e deportivas.

Cuarto. - Medidas adoptadas para a efectiva nivelación do Orzamento.

CONCELLO DE CHANTADA

Plaza de España, Nº 1, Chantada. 27500 Lugo. Tfno. 982440011. Fax: 982462102 concello@concellodechantada.org



Cod. Validación: 7XSQAGTMHEMJSDKFNXPX5ZJ94Y | Corrección: <https://chantada.sedelectronica.es/>
Documento asinado electronicamente desde a plataforma xestiona esPublico | Páxina 3 a 4



CONCELLO DE CHANTADA

Non se require a adopción de medidas distintas ás recollidas nas Bases de Execución.
O Proxecto de Orzamento Xeral preséntase sen déficit inicial.
O Proxecto garante polo tanto o **cumprimento** do principio de Nivelación Orzamentaria.

Quinto. - O gasto en investimentos e o seu financiamento.

No anexo de investimentos que se elaborou contémplase a realización dos programas incluídos no Capítulo VI “Inversións Reais”, que totalizan 764.880,44 € os cales se financian en parte polo Concello 326.351,15 € , parte co Plan Único da Deputación de Lugo 326.115,87 € , co Fondo de Compensación Ambiental 49.009,42 e co AGADER 63.404,00 €.

Chantada, na data da sinatura electrónica no 2022.

O ALCALDE ,
A/ Manuel L. Varela Rodriguez

DOCUMENTO ASINADO DIXITALMENTE

CONCELLO DE CHANTADA

Plaza de España, Nº 1, Chantada. 27500 Lugo. Tfno. 982440011. Fax: 982462102 concello@concellodechantada.org



Cod. Validación: 7XSQAGTMHEWJ5DKFNXPX5ZJ94Y | Corrección: <https://chantada.sedelectronica.es/>
Documento asinado electronicamente desde a plataforma xestiona esPublico | Páxina 4 a 4